

կթղ. հետեւեալ ինքնագիր յիշատակարանն ունի իր կթղ. ընտրութեան և Ս. Յակոբի ուխտագնացութեան առթիւ. «Նուստ կիրակոս կաթողիկոս նստայ յաթոռ հայրապետութեան որ եմ եղբորորդի թորոս Սրբազան կաթողիկոսին ՌՄԽԶ (= 1797) փետր. ԺԴ. յաւուր տեառնընդառաջի.»

«Ի ՌՄԾԲ (= 1803) չոքայ ի սբ. երուսաղէմ Դ. եպիսկոպոսօք և Դ. վարդապետօք և Դ. քահանայիւք և Ե. սպասաւորօք եւ անտի եկի ի Բերիա», (Տեսնել նաեւ ժպե. Հատ. Բ. էջ 434): Կիրակոս կթղ. երբ Սսոյ եկեղեցիին նորոգութեամբ կ'զբաղէր՝ Հալէպի կուսակալը ամբաստանեց զայն իբր ապստամբապետ, որպէս թէ միացած է Զէյթինցւոց. 1819 ին այդ ամբաստանութեամբ Պոլիս կը կանչուի եւ սակայն կ'արդարանայ յայտնապէս: 1820 Սեպտ. 19 ին Պոլսէն Սիս կը մեկնի եւ ազատօրէն Սսի մէջ կը պաշտօնավարէ մինչեւ 1822, բայց երկրին բռնապետներու ձեռքով բռնի թունաւորուելով կը վախճանի (Դիւան. Գիրք Ժ., էջ 473—475): Ուրիշ յիշատակարան մը սակայն՝ այս վերջին պարագան հետեւեալ կերպով կը պատմէ. «Թէպէտ Կիրակոս անգամ մը ազատեցաւ ի մահուանէ օգնականութեամբ ազգին և պատրիարքի տեառն Պօղոսի Ագրիանուպօլսեցոյ, բայց ի վերջոյ դեղով թիւնոյ Խողանեան Ալի պէկի սպանաւ յենի գիւղ, Հայոց ՌՄՀԲ ի շարաթ օր Խաչվերացի ի նաւակատիսն, (որ է 1823 սեպտ. 15.) (Ազգայն., էջ 3613—14):

ԿԻՐԱԿՈՍ ՊԵ. ՄՆԱՅԱԿԱՆԵԱՆ, ԵՐՈՒՍԱՂԷՄԱՅԻ.— Հայրը՝ Մնացական Զողայեցի. Ծ. 1783 ին. 1807 ին Զո. Էտիրնէի Առ. Միքայէլ եպս. էն, իր եղբոր Դէորդ վրդ. ի (※ 1811, Զմիւռնիս) յորդորումովը: Թէոդորոս պտրք. ի օրով կ'ընդունուի Ս. Յակոբի վանքին միաբաններու շարքին մէջ և կ'ընտրուի Քարսուղար և Հակոկեանայեց. 1812 ին իր եղբօր՝ Դէորդ վրդ. ին ի յիշատակ Ս. Յակոբի կը նուիրէ զոյգ մը սաղաւարտ թաւշապատ և մարգարտայեռ (Յուց. Պ.): Եպս կը ձեռնադրուի 1815 ին. Նւ. Զմիւռնիոյ, Պանտրրմայի և Կիլիկիոյ (1822—23). Խորհրդակալն անդամ վանքին. (1823). առ. Եգիպտոսի (1825—1834). Պօղոս պտրքի հրամանով 1836 ին կ'ուղևորուի Կ. Պոլիս վանական հաշիւներու համարատուութեան համար: Կը կարգուի ներքին տեսուչ Սկիւտարի Երուսաղէմի ձեմարանին (1836—1839). ՊԵ.